

四庫全書

集部

欽定四庫全書

文苑英華卷九百六十五 宋 李昉等 編

婦人三

滎陽鄭夫人墓誌一首

燕郡夫人李氏墓誌一首

上邽縣君李氏墓誌一首

鄧國夫人墓誌一首 李氏張夫人墓誌一首

張氏女墓誌一首 涼王妃張氏墓誌一首

贈婕妤董氏墓誌一首

滎陽夫人鄭氏墓誌銘

張說

夫人諱某字某滎陽開封鄭氏之女也

集無字

有唐銀青

光祿大夫行少詹事博陵侯

集作曰博陵

崔氏之妻中大夫

中書舍人湜之母也高祖述祖

集無此字

北齊吏部尚書太

子太保滎陽平

集無平字

簡公會祖武叔北齊洛州刺史中

牟公祖道援

集作授

隋宋城令父世基故吉陽令故左僕

射安吉公杜淹太夫人之外王父也夫人家世德門母

氏鼎胄衣冠禮樂耳目所徵號之諸生實為女士先夫

人以崔出泰

集作太

岳之肖鄭祖周王之穆長源修麓北

濬聯宗

集作崇

故夫人年十有七歸于我氏盡敬愛以安

舅姑致友穆

集作睦通周

以諧娣

如集作娣

性寬恕尚素雅文

而不奢約而不陋故邑號光啟象服是宜博陵侯更事

兩朝多歷官序居必大理去有遺愛雖毳衣善聽得非

雞鳴之弼乎舍人及三弟長安尉沁藍田尉液左千牛

滌咸有當代之名立

集作主

無過之地滋液德教

集作琢教訓

磨禮範雖趨庭善稟得非閨

集作閨是

門之誨乎夫樂得好

速闕睢義也鞠成衆子鳴鳩仁也采蘋采藻修禮度也

如山如河有德容也婦禮既成內則用貞母儀乃行家

道以寧於是春秋高矣雅好真諦厭數禪味減撤珍華

被服慈衣捐斥

集作棄

文綉總斯羣懿式是六姻故以嗣

徽先姑垂裕來史詩所謂邦之媛也夫人有焉皇天難

忱不享偕老年六十四神龍元年十一月九日遭疾終

於洛陽之遵化里其明年二

集作三

月某日塋於富平縣

之某原君侯傷神諸子銜恤寘銘幽窆用存終古其詞

曰

東惟詹府西望綸闈吾夫鶚隣吾子鶴飛青綬赤芾魚  
軒翟衣橋梓濯墓堂堂榮輝如何不淑奄永泉扉漠漠  
玄夜容容白日百歲之後同乎此室

右豹韜衛大將軍贈益州大都督汝陽公獨孤

公燕郡夫人李氏墓誌銘 前人

夫人諱某字某故代州東治府右果毅都尉幽州高士

李感之女也本姓張居於清河郡大父玄慙

集作官至誓非

安東大都護長史與太宗有故賜姓李氏仕歷壇州司

馬始家薊城是則帝寵舊臣乃命王族官平朔野因為

郡人偉哉孝友清白之仁基金鈎石印之靈慶

集作必兆

將光大別族

集作業

繁衍淑女彩黛粉敷焜燿華暄若斯

之盛也夫人幼而韶異長而婉穆金聲玉澤舜榮蘭茂

傳賢莊姜詩美仲氏無以尚也初汝陽公夫人元氏生

一男四女而卒繼室以夫人封諸燕郡王元生

集無立生字

及長孫楊氏二女秉螽斯宜爾之德著鳴鳩均養之仁

色無偏和心無殊厚閨庭之內邕邕如也雖邑中五服

之家門下三年

集作  
千

之客莫能察其異焉永寧里先人

之舊廬也有通渠轉池巨石欽岫噴險

集作  
陰

淙潏洄潭

沈沈殊聲異狀而為形勝遊衍之處者十四五前夫人

之孫蘇氏之婦弱

集有冠  
字非

歲嬉而墮焉舉家環流憚莫

能救夫人投身赴水或沈或浮久之捉挈僅免其行已

也實多此類府君更郎將中郎將谷一將軍大軍將凡



四前後領左右羽林二軍禁營青海鴨綠二道總管天

子元老白首兵欄腹心爪牙朝無與二外受調戈丈馬

之賞

集作齎

內委金璣寶貝

集作玉

之飾將軍既頒於部曲

夫人亦散於宗姻可謂貴而好禮富而能惠者已及君

子晨歌夫人晝哭喪有過戚

集作感慕

制無越禮其後法吏

苛禮

集作濫

余子遠遷窮荒一訣倚問

集作門

三歲炎山瘴

海曷云其來施珍玩以奉佛徹滋味以奉道精意入冥

明神與直中興昌歷無廢舊勳先公茂乎飭終愛子榮

乎起滯天步方泰家屯適夷宜享南山之壽奄頓西泉  
之駕神龍元年十二月二十二日寢疾終於洛陽之德

懋里春秋若干國墜邦媛宗

集作家

傾母儀孤循孝孫哀

哀樂棘有詔旨曰獨孤某妻亡還京日宜給靈輿并遞

悼舊褒德

集作功

矜孤恤喪朝之大經者粵以明年十一

月二十日卜葬於

集無於字

雍州之某原不從先塋古之道

也夫計功伐勒鼎彝非婦人之事撰德行存國史亦孝  
子之志乃爲銘曰

猗嗟昌兮月出之光如葉莫莫如華皇皇宜啟燕郡作  
合汝陽尊之象服錦衣聚裳以慈行訓曰仁之綱以命  
易難曰義之方婦有柔德亦惟其常女之士行于何是  
不集作臧彼天蒼蒼胡降百殃捨我媚子捐其高堂丘隴  
芒芒集作風生白楊象物皆盡德音不忘

上邽縣君李氏墓誌

前人集無

夫人太祖景皇帝之玄孫西平郡一作原王普定之女也

賦靈陰德資性柔嘉事舅姑盡其敬與娣如致其睦茂

行充乎內則懿聲溢於外姻雖王家長自傳保而能謙  
光庶類降心細物手成朝祭之服躬揉酒食之品凡婦  
人之所能事而夫人莫不備焉府君朱紱之歲也於是  
乎始受封邑象服盈門魚軒在路姬氏王者之後夫人  
帝室之親夫貴婦榮於斯為盛及帷堂而哭有敬姜之  
禮擇隣而處有益母之教人間俟信有諸婦之期出言  
成章有衆女之誠受命不淑以某年月日卒於同州之  
私第以神龍元年十一月二十日合葬於萬年縣白鹿

之舊瑩有子懋殿中侍御史檢身承家揚名為孝思我  
母氏感秦伯之詩祈於府君取周公之禮髣髴心迹志  
之幽石其銘曰

茫茫萬姓朝宗于李婺星分極咸池派水后稷裔孫神  
貽女士動遵法度居觀圖史輔佐哲夫訓成賢子宜崇  
徽號以享介祉高堂奄空霜露方始儉用禮節葬非奢  
美鏡下窆臺衣緘泉笥壙烟不一作長散松風長起摘果  
人迷侵林獸死永言惟孝事親終矣

鄧國夫人墓誌銘

前人

詩美莊姜傳稱孟母庶姬綿邈千載時有猗嗟邦媛柔  
明亶厚龜玉毀櫝膏蘭天壽遠矣皇祖肇自宗伯靈基  
在晉華胄陵江尹茲西楚宅是南邦高蓋結轍圓冠比

蹤魏館虛待周京長發父對雄風母膺婦集作月珠浦

瀆集作潤玉林清越昆弟三人羽儀雙闕家芳集作淑

女國茂賢妃具瞻四德旁通八徽步幃馳辨連環定機

調絃魚躍弄杼鴛飛媪后集作創業軒宮多事高行

登聞大家入侍幽贊日月財成天地溫室不傳平城盡秘

大君命我變禮斷恩衛妻空誓息媯

集作婦

無言均養七

子劬勞二門始賦樛木終歌采芣多難啟聖羣凶搆孽

明

集作朋

家作仇宵權相滅臨禍不懼忘生蹈節彼何人

斯碎此貞烈氣消日朗既安且平皇心震悼禮備哀榮

啟國加等復土陳兵外姻來唁中使臨塋恭惟夫人宿

精知

集作智

刃昭昭開士授之心印古無合葬遺言別墳

樂樂孝子敢廢前聞服不珍繡盤無膩薰室暗泉火松

殘隴

集作  
壟

雲神合大化誰為小君

李氏張夫人墓誌

臨淄李伯魚妻者范陽張氏女諱德性孝悌柔婉能日

誦數千言習禮明詩達音妙績

集作  
盡

德言容工蓋出人

也伯魚天下善為文擢校書郎出為青州司功而卒夫

人寡居無子以歸宗焉長安二年四十有八傾逝於康

俗里殯於永通門外景龍三年家疚居貧季弟君

集作  
說

鬻詞取給冬十月安厝伯婦於萬安山陽蒼梧不從古



之制也。比望先隴。

隴集作

西接秣

秣集作

丘明靈其嘉永安

此室銜哀叙誌嗚呼孔懷銘曰

送送

集作送我

伯姊萬安之墳精靈何處為雨為雲彼臨淄

兮千里望倏忽兮夫君

張氏女墓誌

前人

女郎名琰姓張氏洪同丞府君之少女也聰慧孝友繇

條鬚哲

集作須誓

能讀史書善奏絲桐舉族稱

集無稱字

珍之未

集無未字

成人而天命也聖曆中隨仲昆

集有之字

任殞折

集無折字

於慶州歸殯於藍田別業景龍年屬家艱季兄君

集作說

徵黃門侍郎哀請不拜詔許終服家貧傭丈以取資

集作

給冬十月獲改

集無改字

葬女弟於萬安山陽差池姊塋顧

瞻尊闕不亡孝弟慰爾幽魂含酸屬銘投筆氣索辭

集作

銘曰

陟彼京兮痛同生兮奈何朝露在薜榮兮共天地之大  
德焉早落而無成兮

涼王妃張氏墓誌銘

常衮

古之賢妃四德六行則在女史彤管記言納聘入於天  
宮儀刑光於帝閭休有懿範歿而可稱涼王妃張氏族  
茂清河之原家承七葉之盛紱冕繼代勲華襲門曾祖  
守貞皇朝遊騎將軍左衛中郎將羅國公食實封三百  
戶職雄戴鷩績茂分茅祖光庭皇朝中散大夫衛尉少  
集無少字 御位亞八屯榮參九列父安仁皇朝正議大夫涇  
王府長史曳裾上邸託乘西園俱傳帶礪之封克承闕  
閱之後妃早習詩禮式遵教義令德令儀有要有倫既

當八月之期允叶良家之選天寶八載納為涼王妃懿

範

集作德

徽音韶妍婉順恭勤朱邸儼恪丹宵友其琴瑟

奉以家室瞻鴈池之閔水嗟駟隙之末光以廣德二年

五月十三日終于上都之內邸春秋三十七旋以其年

十月六日遷窆於某原禮也涼王倚歎蘭臺傷神桂苑

梧桐半落鸞鳳孤飛永逝不追嗒然增歎詔葬備禮哀

榮飾終笳簫在辰旒旂啟路嗣子保定郡王仕攀號孺

慕惟切蓼莪誌于幽泉銘以貞石慮佳城之白日識隴

樹之青松銘曰

清河之邑兮地惟古具毓粹華宗兮賢妃誕載柔順內  
積言容外彰謀茲淑德輔佐賢王芳年忽馳天暮何速  
積善虛應兮時長運促空餘懿範兮刻在貞玉

贈婕妤董氏墓誌銘

前人

維唐至德元年歲在癸卯十二月二日美人河內董氏  
終于閔鄉縣之別館春秋一十有八嗚呼哀哉美人蘭  
質幽閑茗華婉麗出自漢皋之曲降於巫峽之陽柳絮

題詩椒花獻頌德行日

集作自

成于天性藝能豈假於師


資既彰絕代之姿雅叶良家之選瑶臺入

集作日

寵金屋

流芳映月愧而方娥上星樓而比婺恩多不恃顧重無  
矜讓以同車恭而避寢紫庭著美彤管旌賢屬綵仗巡  
遊花鈿侍從方執巾於上陌忽蒙被於離宮天道如何  
泉扃已矣聖上顧懷淑慎言念恩情悲遽夭於先春歎  
長歸於永夜追加班女之秩式慰魏兒之魂以某年月  
日葬於某原禮也乃命侍臣紀於貞石銘曰

二九之年麗容嫣然春風轉蕙秋水開蓮浣紗選貌納  
袂求賢承恩玉殿侍宴瓊筵光陰不借闕何偏椒房  
愛促蒿里悲纏婕妤寵贈女史芳傳丹鳳城外黑龍水  
邊嗚呼此地永閉神仙



文苑英華卷九百六十五

欽定四庫全書

集部

文苑英華卷九百六十八

六至八

詳校官庶吉士臣龍廷槐

助教臣常循覆勘

總校官進士臣朱 鈔

校對官學正臣湯 垣

謄錄舉人臣鰲 圖



欽定四庫全書

文苑英華卷九百六十六

宋

李昉等

編

婦人四

獨孤公夫人韋氏墓誌一首

權祕監夫人李氏墓誌一首

李監察夫人蕭氏墓誌一首

崔縣丞夫人原氏墓誌一首

李參軍夫人獨孤氏墓誌一首

裴明府夫人閻氏墓誌一首

李縣丞夫人梁氏墓誌一首

嗣曹王太妃鄭氏墓誌一首

殤子韋八墓誌一首

前左驍衛兵曹參軍河南獨孤公故夫人京兆

韋氏墓誌

獨孤及

夫人諱某字某楚王交傳益裔孫唐許州司馬皎曾孫

渭南縣主簿懿

唐世系表同  
本集作懿

之孫兗州金鄉縣尉商伯

季女祕書省著作郎偉睦州刺史儻之妹

以世系表添正

其先

自彭城郡徙京兆從丞相賢後九世至本州大中正穆

始有東西眷之號二十五世至徵士曼居魏周二代出

不降志處不遁

集作隨

俗時人號為逍遙公夫人之七世

祖也逍遙公生民部尚書建安公世恭

表作權字世恭

建安生

上大將軍宋州刺史仁

表作仁乃仁基之子仁基乃世恭之弟

將軍生給

事中旅即為許州之禰也夫以四言之遺直一經之餘

烈

闕

徵之高風焯於今古宜其秉哲垂懿百代不殞地

之華望之崇與春秋之唐杜范氏漢晉之袁楊王謝侔

其熾大矣哉三

集作二非

十八葉之明德茂祉降衷于夫人

故孝慈貞儉溫惠淑慎文敏好禮三者皆天機生知不

待師訓而至廣德二年夏六月歸于我衣服飲食躬自

菲薄夙夜戒敬致孝于苻菜接娣姒以謙馭幼賤以敬

敦善勸義恕不知而矜不能喜怒未嘗形

集作見

於容止

也其德禮所化宗族以睦兒童知讓生一子四歲而夭

大歷四年夏六月癸丑再孕不育乙卯歿于舒城春秋

若干人至

集作  
仁厚

而不福德備而不壽是天不惠于我家

也向使錫厥永年正家承筐宜爾子孫百福是享非夫

人曷歸啟手足之日長幼號咷內外親

姻

四字集作外  
姻內姻親疎

皆行哭失聲也宜哉是歲九月甲申以綌袞裳帷遷于

洛陽十一月丁巳

集作  
酉非

安宅兆於

集作  
于

舅姑先塋之西

南隅恐時逝事遷景行不貽於後故刊石以志卒葬且  
謹而日之

著作郎贈秘書少監權公夫人李氏墓誌

梁肅

成紀李氏自涼武昭王以後後裔熾大在元魏有若司空文穆公沖沖生司徒高陽公休績諸父兄各登三司崇勲盛烈載在前史夫人司空之後也曾祖允義皇朝慶州刺史大父仲進宣州司士參軍考備冀州司倉夫懸集作玄圃崑山是生興璠德懿盛族集作德懿族宜有賢淑二椽葆儒行不躋貴仕故儲慶發和鍾于夫人夫人幼而孝恭長而柔明歸于他室克協休德所奉之主則著

作郎天水權公其人公大節大名達於家邦人倫仰為師表夫人明識茂行光于閨門姻族資其訓式有子德與七歲而孤夫人茹未亡之哀躬徙宅之教故德輿也十五文章知名二十典祕書貞元二年以廷評尉攝監察御史為江西從事夫人從子南征寓于鍾陵其樂以道其養以祿一慈一孝宜壽宜福天實不吊享年若干以四年秋七月某辰寢疾而終德輿窮慕崩迫忍哀問卜號奉輜袞至于丹徒以來歲某月日權合附于先君

假葬之域嗚呼有行可尊有禮可法始輔君子終垂母

儀而不登上壽不介丕

集作繁

祉斯命也已篆石紀德謂

為墓誌近古之禮也胡可闕諸其銘曰

武昭之胄立德立功且侯且公文穆之後昭明有融繼

別為宗抑抑夫人餘慶是藜溫良在躬歸我秘書體仁

協衷

集作衆非

盛德攸同乃訓孟子擇乎中庸休有先

一作光

風豈命有極豈天不傭降此鞠凶假窆何所惟栢

集作松

惟松于江之東棘人充充式號且恫哀思無窮



監察御史李君夫人蘭陵蕭氏墓誌銘

前人

夫人諱某字某南蘭陵人梁世宗明皇帝生南海王珣

自南海三葉至有唐太子太師某太師生中書侍郎某

以文武之勤左右帝室世祚徐國疊耀集作台階蓋夫

人之大伯父也父中書之弟駙馬都尉太僕卿諱衡踐

脩舊德尚某邑公主實生夫人玄宗其外大父也宣集

宣字皇其舅也天漢派流地靈騰茂蘊為和氣鍾我淑

德既筭歸于公族李氏曰鏗鏗官至監察御史以茂行

聞於時上奉繼親旁羅羣族夫人內貞明而外柔順至

於色養義充於輔佐仁見於周睦至乃冠婚賓祭之式

組紉黼黻之事莫不能儀刑邦教律集作法度姻戚洎御

史捐館夫人罷執筭疑作筭之事訓道三女以禮自居二

十年間母儀愈集作益彰知我者方紀美行貽

諸彤史天不與善享年四十八而終時建中元年九集作

四月三日也初夫人無子晝哭之後歸于其宗仲弟御

史中丞復孝愛之德聞於天下出守三州皆從而居焉  
是歲中丞由潭州遷左馮翊會夫人幼女從夫有江華  
之貶亦將欲沿三湘展母子之歡途次于晉陵遘疾而  
沒俄兵興不克反葬馮翊次子某以來歲某月日奉其  
姑之喪權窆于某鄉原嗚呼仁宜有壽善宜有後以夫  
人之賢且先代之循與王室之出而亦集作事並戾豈  
命也歟予集作忝遊馮翊之門也久見命為誌其銘曰  
昔在帝祖承天命紀維皇歸妹光耀載起太師之孫魯

元之子誕受休氣實為女士共伯既沒敬姜道存訓成

內則耀

集作輝

動高門積德所因其禮宜蕃碩人無子天

道寧論將涉三湘奄歸九原生惟

集作涯

共盡有恨何言

鄭州原武縣丞崔君夫人源氏墓誌銘

前人

夫人諱某字某河南洛陽人也昔涼武王烏狐景王儔

檀繼為傑霸據河右景王生魏太尉隴西宣王賀賀生

司徒惠王恭或以文武

集作或文或武

藩翰王室以拓拔同源

因錫姓馬夫人其後也曾祖翁皇朝尚書比部郎中祖

脩業涇州刺史父老

集作光

時濟陰太守夫人濟陰第幾

女既笄歸于原武丞博陵崔君某以德敏貞儉宣慈惠

和

集作溫愨

輔佐君子而成家風原武之伯父冲嘗為刑部

郎中每謂夫人淑哲之美可師表姻族洎原武疾病顧

視諸子尚貌慮歸祔不獲以屬夫人夫人默而省焉晝

哭之後躬履草莽成反葬之禮禮無違者聞見

集作者

難

之既免喪始游息道門受心法於大照禪師請益之際

朗然懸解大照没又事弘正禪師入定

集作丈

性離天機

獨得喜怒哀樂無自入馬宴坐之外以敬姜之風操班

氏之詩禮貽訓親族閨門之內盛烈流美禪林高妙受

用不極

二十字集作貽訓諸姑故親族目之曰閨門盛烈道流美之曰禪林高趣妙用不極

委和

歸真享年若干大厯甲辰歲十一月十三日寢疾捐館

嗣子某乙等泣血襄事以來歲某月日權窆于某原仲

子左

集作佐

車純孝而文懼聖善之德不著後嗣遂假我

為誌銘曰

烈烈雄閥降茲淑哲惟夫人兮郁郁母儀中外肅祇耀  
閨門兮以道自光我性則常奄歸貞兮孝乎維嗣其哀  
也至刻斯文兮

衢州司士參軍李君夫人河南獨孤氏墓誌

前  
人

夫人姓獨孤氏六世祖永業北齊司徒臨川郡王自臨  
川五葉至贈秘書監府君諱某門風世德家諫詳矣夫  
人秘書之第某女生而純孝容範淑茂成于德門歸于

公族李氏曰濤故楚州刺史仲康之子今御史大夫涵之從兄也少有敏才故秘書府君以夫人歸之恪勤婦禮以正家節門內之治緊柔明是賴乾元初李君參掾信安遂終于位夫人罷助祭之事專以禮詩之學訓成諸孤議者以魯敬姜辛憲英為比晚歲以禪自適謂般若之經空惠之筌恃集作持而為師去諸結縛猶違土也享年五十三大歷十一年某月日寢疾終于常州遂權窆于建安集作元精舍之側明年某月日卜筮襲于吉始





夫人姓閻氏皇朝考功郎懿道之孫銀青光祿大夫尚書刑部侍郎伯璵之女河東薛氏之出前廷尉評領臨安令裴深之室也春秋若干以大厯乙卯歲五月寢疾卒于晉陵之私第來年月日窆于某原不獲吉卜

集作兆

未祔于皇姑禮從宜也先期臨安以夫人之德善俾予銘其墓故得而撰云夫人貞順惠和恭明孝慈自天授也樂善睦親儉而好禮承家訓也循集作修采蘋之度以助祭祀得婦道也四教行九族和秉內則也夫人有是

淳懿故自致禮至于捐館小大無間言中外無異望郁  
郁誥誥一家興仁俟絕之際請辭其太夫人又辭其弟  
如已而顧所生之四女曰母子之愛今也永絕夫中饋  
不可以無主吾已請而集作爾父娶繼室矣其來也汝謹  
事之無貽我神羞辭氣不惑言畢遂歿夫號母慟諸女  
孺慕聞其哀者行路集作人出涕存歿之事其感人深矣  
哀哉乃為銘曰

穠矣薜華茂蘊質兮配此良士如琴瑟兮嚴霜隕零曷

其疾兮吁嗟碩人歸此室兮

德州安得縣丞李君夫人梁氏墓誌

前人

夫人安定梁氏族高祖華陽襄公諱彥先

集作尤

生周隋

際歷上大將軍開府儀同三司使持節青冀華相等九

州刺史貞惠文敏為兩朝名臣生曾祖永安成公文讚

在隋為司隸刺史司隸生皇朝龍興令冀州長史晏晏

生朝散大夫堯山令澄夫人堯山之第二女惠和

集作生知

孝慈幼有令儀長而溫良成而柔明年若干嫁趙郡李  
兼金生四子而兼金卒夫人內持正性外示德禮且以  
文行忠信貽訓諸子家道以和每言曰敬姜大家吾師  
也既晚歲修釋氏法以禪誦為事視身世榮枯與夢幻  
同因命第四子為沙門勵以清淨行既而壽量極享年  
七十二歲在乙卯十月乙未終於常州建安佛寺集作精舍  
後五日窆于某原孝子詠等銜痛泣血哀過乎禮懼先  
夫人德善不聞將誌幽窆以肅外族之屬也俾為斯文

銘曰

伊夫人煥母德道可尊禮不忒訓令子就儒釋沒集作滅  
而藏焉永無隙人欲我知視此石

嗣曹王故太妃鄭氏墓誌銘 穆 員

大唐貞元景寅歲秋七月己酉荆南節度觀察使戶部  
尚書御史大夫江陵尹嗣曹王皋奉先太妃滎陽鄭氏  
之喪歸于先王贈尚書左僕射諱職之居實洛陽邙山  
之原先是皇帝使中謁者詔東京有司備鹵簿鼓吹洎

祖載儀衛之物且監視之前日嗣王有虞乎山壤

一作墳

泉隧不常陵穴迺以百世之後貽厥來者之義屬

于小生太妃諱仲字正和恒州司兵文恪之孫郴州司  
戶休濬之子鄭之於百族也如羣嶽之聳衆山焉溢于  
世間事不待紀太妃以禮之節為質以樂之和為性以  
詩之鵲巢采繁小星殷雷易之坤蠱家人為德小大由  
之且以其餘施之於外夫是以賢子是以貴以利于家  
邦年十有四歸於公族又十四歲而先嗣王即世王屋

天壇之下有別墅焉太妃孳令之嗣王與女子子洎夫  
族之叔妹未冠笄者與本族凋喪之遺無告者合而家  
之居無生資勤儉自力仁以恤智以圖使夫饑待我粒  
寒待我纊一作縷婚姻宦學蒸嘗之禮待我以時嗣王年  
甫及笄其所以導成慈訓者則以父嚴師教之道兼而  
濟之于時天下晏然而事有將亂之兆太妃念嗣王之  
壯心及經綸不患不貞患不更踐一作賤不患不聞先王  
之訓患不知下人之生卒以仲尼鄙事為教及其長也



見其為龔黃見其為方召享其孝敬勲榮祿位三者日  
躋之報焉嗚呼月望而虧天之道也以建中三年冬十  
月九日遘疾薨于潭州官舍之寢壽七十有二嗣王奉  
喪歸葬達于南荆國難方興天下否塞朝廷倚宗周維  
城之固加於郡帥一等乃用魯公伯禽有為之變俾復  
其位且使即其次而窆焉嗣王銜恤奉詔以戰克以攻  
拔統江西援江陵其事墓也如生平之養其哀號也執  
干戈者悲之今茲龜筮叶謀優詔惟允議者或曰東南

之鎮荊州為大降寇僅滅多虞未忘遺羊杜之重狗曾  
閔之節越三千里執喪釋位謂安危何員以為嗣王之  
於朝廷也曩竭之以忠朝廷之於嗣王也今遂之以孝  
君臣家國之際於是乎古無以踰況其奉先之志不可  
以奪臨下之政必可以保且用崇厥孝理始于本枝使  
為子者悅事君者勸以感人心以順天下不然何卒葬  
弔贈天王之錫命視于同盟有加等焉初湖南部將有  
王國良者嘗危疑負固歷年不下嗣王為帥恭太妃之

教以子召之國良捧檄如歸撫之以信其後入衛中禁  
錫名維新乃曰爾來之生今日之寵固極之德也哀請  
赴葬上嘉而許之其執禮致慕視於闕由是以係之于  
篇銘曰

抑抑母儀稟訓德門來賓王族慶集宗臣如彼崇山應  
時出雲霈然作雨澤潤生人裕我之蠶故茲寵勛匡載

疑作戴

中興為唐晉文宜爾百祿享茲萬春運奪其養

一作

運短奈養

天胡匪仁清洛之陽脩邛之阜我歸我居我徒我

友維邨與浴將安宅之相久

殤子韋八墓誌

此篇係男子已移入九百六十二卷今存其目

獨孤及

文苑英華卷九百六十六

欽定四庫全書

文苑英華卷九百六十七 宋 李昉等 編

婦人五

穆秘監夫人裴氏玄堂誌一首

崔少尹夫人盧氏墓誌一首

崔太常長女墓誌一首

王妣夫人楊氏墓誌一首

獨孤氏亡女墓誌一首

崔相國夫人柳氏墓誌一首

張司空夫人谷氏墓誌一首

權贊府夫人張氏墓誌一首

秘書監穆公夫人

一作河東郡太夫人

裴氏玄堂誌

穆員

員不夭不死先公棄背迫先王制禮免喪五月太夫人河東郡太夫人以貞元十三年六月二十四日遯養又不孝不滅以及龜筮遠期十月二十一日孤子贊洎質

員賞奉遷靈座自東都歸義里私第正寢歸于偃師首  
陽山北原先公之居第三子員伏念常稟慈訓撰述前  
誌當時實聞不忍聞之命俾繼斯文不敢不如血吐述  
粗舉大略裴氏自漢魏以還蓋為天下著姓外族之於  
本宗也若泉有源山有峰披圖按牒可明徵矣五代祖  
諱鴻琳周易郡太守高祖諱容兒隋長平丞曾祖諱文  
行皇朝并州石芝縣丞祖諱玄度絳州絳縣令父諱翔  
魏州朝城縣令世以懿德令名清風和氣昭穆授受宜

于家邦太夫人則朝城府君之季女也淳仁如天博厚如地精識如神中節如時少喪怙恃長於季母諸姑以孝友誠明俾見懿慈有天性之答所至家政輒聞我於未成人之年洎有行君子作配盛德移內則之美盡家人之義居上齊下視人以身主祭祀以心為馨香事賓客以手集中饋先公厄於未濟困於屢空太夫人以樂道為貴肥家為富先公初仕河朔蹈難平原太夫人以勤儉成清白誠義佐名節先公初入崇貴間逢遷黜太



夫人居常以天不假易自驚疑作處否以泰道自安先

公直道高義不容於時剝落當年優遊晚暮太夫人始

則以不磷不淄何憂何懼為韋弦焉中則以不容何病

然後見君子為塤箎焉終則以施於有政是亦為政為

琴瑟焉先公孝以立家仁以合族太夫人輔佐之德達

於神明員伯姑元夫人高明純至不幸早孀太夫人就

養于堂服勤以力視色先意主於無違伯姑嘗顧小子

同氣曰自吾歸爾家安爾母也自忘孤寡自忘長老嘻

嘻然如未筭之初承歡於父母之前夜夢吾先君則為爾父夜夢吾先夫人則為爾母豈爾父母乃吾宿世之父母乎不然何迷我心靈發於夢寐者三十年如此中外孤幼以先公之祿為待哺待絮者其來如歸太夫人所以衣服飲食之蓋有竭無倦有不足無不均有孤悻老幼之先無親疎厚薄之別若乃甥姪群從之衆賢愚恭狠之差太夫人用不愠不校不欺不伐積為至德以嫗煦之不違直心而曲順其理不越中制而各厚其宜

是故寢我無私有常之化者歸我懷我如服天地豈無  
忤戾之性多言之口不忍以造次幽昧遷焉員三從叔  
寂感太夫人少長子愛之慈以為生成固極之重及壯  
納室則先請於女氏之介曰吾嫂吾母也苟能服事如  
姑則為某妻不者則否女氏許諾然後贊幣行焉太夫  
人自痛早孤終鮮兄弟惟周公蓋祔仲尼合葬之事咨  
於先公曰絳雖故鄉世之喬木洛汭中土首陽家山今  
將奉先人於北原卜隣舅姑吾與公存沒之志也命長

子行之本族凋落蒸嘗殆曠鞠孤兄子以涕泣教之使  
學古入官承家主祭乃至宗從之祀興廢繼絕繫太夫  
人是賴者非一先公享懸車之榮太夫人受偕老之福  
河洛安宅京師就養板輿所至讌喜相從旬朔獻壽子  
孫成列歲時稱慶冠蓋盈門當時士族以為榮羨晚年  
學道於聖善寺法疑大師所受方便平等則家政也忍  
辱慈悲則素行也真如正覺則天性也皆異積舊習彼  
於德施盡大師之法吾無得焉贊等從事官守世道多

故太夫人以為苟不虧先王先公之訓則義在不辱是為無忝未始見責而姑勉之祿俸供養不給于家之經費太夫人每顧念有一饑一寒者則為之不飫不煖其遇窮獨無告不獲其所輒心體以之不康是以甘旨輕鮮之獻未嘗以尊高自異常有汲汲不足之患而不患焉初太夫人之從先公也公方褐衣家無數口太夫人以繁祉元福阜興德門男女為人父母為人大父母為人師者七

第二女故安國寺尼常為人師

內外孫洎曾孫四十有三食

先公洎諸子之祿者五十一政主家主記者五十一年  
壽七十四封河東縣君先公故也河東郡太夫人贊故  
也列郡啟封為妻為母論者以兼命斯貴同時難之然  
天下公議稱先公位不稱德雅知贊者亦謂贊等命不  
偶時而太夫人五福百祿之徵蓋上有所不充下有所  
未極贊質員賞皆自痛欲養欲報各孤其分號天訴天  
天不我聞伏念昔惟荼毒備承至誠以為殺身無逮揚  
名有補忍死為重徇情則輕燿獨一作苟至不敢自滅

燿燿

謹哀慕至德密行之可傳者勒之貞石以永厚地嗚呼  
蒼天

崔少尹夫人盧氏墓誌 前人

嗚呼有唐河南少尹清河崔府君諱徵從先大夫于北  
邙山平樂原卜年惟三而泉戶啟夫人歸歸而復閉閉  
而終此山矣禮也哀哉夫人諱某字某姓盧氏以府君  
為大夫封范陽縣君其先自東漢中郎植十有三葉至  
於烈考皇朝大理司直孝孫代以禮樂婚姻相遺為氏

族冠冕縣君泉源發清峻極憑厚孳和蘊粹吐芳如春  
其在弱笄雅有君子之度諸姑從母有若韋太師見素  
裴尚書寬二夫人稱之曰吾見此女使人思齊不自知  
其所為長開元季年先舅尚書忠公尊顯于代高明克  
家思配子之賢慎承我之重縣君以姬姜之盛發聞之  
美誕集嘉命既而有行先姑隴西夫人才之傳之以政  
於是資顧復之報以孝舅姑推友于之愛以睦娣姒和  
琴瑟之樂以諧所從閱詩易之義以修所職婦儀母訓



垂五十年不一日違仁不須史志禮溫顏和氣物莫之  
侵朗識清機道與之接雅好黃老且精禪惠嘗謂要本  
無二教焉有三吾將貫之以一守之以一蓋生知免習  
而寤寐以之是以寢疾恬然臨終不亂謂生為旅舍歿  
為歸次而我行邁之得息焉壽六十有一終於洛陽毓  
德里之私第時貞元二年五月二十九日二孤溉泳殿  
中侍御史陸渾尉恭合祔之禮即命予著龜曰仲秋甲  
申吉先是溉泳執河南府君之喪一號三年既踰月而

縣君繼酷雅知溉者以今之宰政與中朝賢卿大夫多  
溉之遊其顯有時其養可待何昊天壓之之甚而縣君  
棄之之早蓋以不可知者曰天與命相弔焉員則溉等  
瀆一作未交之執也見託銘石其銘曰

北邙古原起新阡仁賢同穴閉下泉哀哀孝子不終養  
蒼蒼正色誰問天物之常久有貞石我以德音誌神宅  
千里丘隴不可期白日佳城俟來覲

崔太常長女墓誌銘

前人

崔氏長女名某先筭之某年不幸遘癘未幾丁烈考太常卿贈吏部尚書常山公難至哀乘之共迫正氣以貞元七年秋八月己酉夭於東郡冬十月乙巳兄元方哀奉尚書從先相國于北邙山以長女祔于尚書之側嗚嗚女之生也乘高祖博陵之殊勲曾祖禮部府君之令望先相國之盛業先尚書之重德何四葉垂裕合為禎祥與夫惡疾至性摧之不勝豈天所助不能移定命乎不然者烈祖顯考之德之一有惠也二字恐非純假以溢我我其

收之宜施之有年移之他族宜乎起家而居有公卿之位雅人之所歌韓姑者疇離之哉夫內則之美不傳于外禮也辱命於其兄者誌卒葬焉銘曰

崔之九原實維邛阜孝女祔先與天地久

王妣夫人弘農楊氏祔葬墓誌銘

權德輿

王妣夫人姓楊氏弘農人祖敏皇太僕少卿交州都督金鄉縣公父晏湖州武康縣令夫人始笄歸于王考府

君府君名重而祿薄家肥而身約仕至左輔尉中兵紀

綱掾所與游者皆天下雋人賢士大夫

集作天人是

無攸遂

勸以養之道備焉天寶四年先太保真孝公既孤夫人

慈仁訓育以文行紹續繇進士第授臨清尉薊縣尉安

祿山之亂也以大節聞履險違難崎嶇色養滅跡人事

以扁舟為家至德二年夫人棄孝養於杭州富陽縣之

行次時四方兵交歲大疫江東尤劇未克歸耐此焉寧

神先公號咷崩毀因中風濕痺痛

集作痼

外除拜御史著

作郎皆以疾不祇命大歷丁未德興丁茶蓼貞元戊辰  
再集艱棘餘生未泯積慶所鍾因緣踐履叨冒崇大以  
歲時之不易事物之多故久未遷神心焉若權言陰陽  
者利在卯酉元和五年歲直庚寅德興忝太常卿以明  
年之吉襄事既具其年猥參宰執

集作政

禮不克就乃建

宗廟以嚴蒸嘗逮今十二歲在丁酉德興以校檢吏部  
尚書理戎漠中拜章上請協用龜策啟先公先太君壽  
堂于丹徒啟夫人壽宮于富陽德

集作得字

七月壬寅祔王

考府君兆域于東都伊闕縣慈水之陽吉自杭抵洛凡  
二千五百里水陸安靜誠信無遺天之佑也惟尊靈幽  
閔周一甲子罪在孱菲宜當誅殛而懿範遺訓流光孕  
休閨門受祉施于孫子霜露怵惕如愀如醒又德輿之  
生也後不獲逮事遜聽令聞靡詳萬一故合姓之紀歲  
棄代之享年皆闕焉刻茲介石以永終古銘曰

惟王母之令德淑明柔克閨門延耀以引以翼王父安  
卑兮其道未光先公大節兮易名章章伊孤孫之蒙駭

不獲逮事慶靈流澤兮積累名器泚河湯湯輶車帷裳  
伊水之陽祔于幽堂萬有千歲兮徽音不忘

獨孤氏亡女墓誌銘

元和十年歲在乙未冬十月二十一日戊午故秘書少  
監贈絳州刺史獨孤郁妻天水權氏寢疾終于京師光  
福里嗚呼吾之女也故哭而識之惟吾門代有懿德至  
先君太保貞孝公以大節大行為人倫師表故鍾慶于  
爾而又天闕其歲此吾所以不知夫天之所賦也初筭



有行未嘗遠父母兄弟考室周里常如歸寧始絳州以  
褐衣納采其後為侍臣史官更掌中外詔誥皆再命或  
三命十數年間便藩清近烜赫光大天下公議以宰政  
待之其後集作於閨門之佐君子供先祀嘻嘻申申有孝

有仁乃者吾忝大任絳州居近侍而能婉約勞謙得六  
姻之和長信宮受冊命之歲與母於內朝序位環佩之  
聲相聞黨族榮之人情禮意纖微矩度言內則者以為  
折中噫夫絳州方強仕不淑爾又未練而歿年止三十

一天之報施其何哉始稱未亡也懼貽吾憂每斂感容而為柔色然以沈哀攻中竟不能支悲夫初先舅憲公有重名于時絳州生而孤不得逮事儻冥冥有知將同穴而養于下耶抑智氣在上歸之於合

集作冥

莫耶吾不

知也生子二人女一人長男前歲未成童而夭次曰晦生十年矣至性過人未期再丁荼蓼嗷號罔極晦世父右拾遺朗茹終鮮之痛撫之如不孤貞于龜策得明年六月六日壬寅祔葬于東都壽安縣之某原宜塚墓石



曰懿伯號侍輔祿以十月庚午返祔於河南某原安平公之舊封禮也夫人姓柳氏代為河汾右族齊周之際中書孝公虬司會景公慶以匪躬厚行為北朝名臣孝公生止戈後周洛州刺史洛州孫皇海州長史憬憬生皇伊陽縣丞璿夫人之祖禰也夫人憑積厚之祉體柔嘉之姿既筭歸于安平公公始以處士納采至于佩相印三十年間內則彰聞嘗以命婦宜家疏封於本郡又以中宮恤禮為位於內朝齋明以助祭慈惠以厚下禴

翟五采副笄六珈幽閑必聞於法度侈汰不萌于心術

盛德發於身而被於族姻不可詳已始用和樂安於隱

約終以淑均居于集作於顯尊大君子之家肥道光其助

弘矣既嬰未亡之痛深惟出世之法受微言於順禪師

以蓮華普門為方寸津筏宜其永錫眉壽而為大家今

則已矣予一不知夫命也懿伯為左千牛脩身純孝好

學居喪得禮長女適弘農楊弘徵集作微纔半歲有共姜

栢舟之誓明識令行倫於古人幼女以衿禕來歸共承

宗事故於夫人之道得周知之懿伯以陵谷之不可以  
不識哀請論撰大凡以乾元元年合姓貞元二年受封

安平公薨八年而夫人捐館

集作歸

其銘曰

於穆夫人徽柔淑溫儀于法

集作德

門蹈履內則六姻是

式藹然慈仁魚軒煌煌珮玉鏘鏘威儀申申居貧且樂

處貴逾約其道可尊不享天

集作大

年奄歸下泉孰司陶

鈞哀此孝嗣熒然無恃訴于

集作於

蒼旻東周故園宰樹

鮮原裳帷翻翻紉于幽窆刻是貞石厥聲長存

義武軍節度使支度營田易定觀察處置等使  
檢校司空同中書門下平章事贈太傅上谷郡  
王張公夫人谷氏墓誌銘 前 人

夫人姓谷氏魏郡昌樂人其先漢大司農永之後故義  
武軍節度檢校司空同中書門下平章事贈太傅上谷  
郡王張公之夫人也四代祖那律貞觀中仕至諫議大  
夫弘文館學士曾祖補袞左羽林軍長史祖倚相祕書  
省正字佐集作佑蘭錡以嚴禁旅詳魯魚以考祕文猶未

充其才則延耀於後考崇義天寶末以雄畧氣敢從漁陽之師每建奇功亟摧強敵歷左武衛將軍左金吾衛大將軍累兼太僕殿中追贈特進懿是勲慶聚于夫人天資才明動合圖史早以衿屨之誠宜于鐘鼎之門百兩以納采三月而助祭克洽中饋至于上公其於佐以純誠規以策畫超冠命婦之道叶贊守臣之勞者有焉建中元年疏附於魏郡三年徙封於鄧國徽音法度列在命書貞元七年太傅薨于

集作於

理所嗣子今義武軍



節度易定等州觀察處置等使工部尚書易州刺史兼  
御史大夫延德郡王茂昭能業其勤載延其賞克家稟  
訓宣力撫封六官分職八命作牧虞潭榮養用厚人倫  
魯侯燕喜方期壽考伯仲有裕稱於北河曳裾於邸第  
者三持憲於牙門者一貞元十一年以幼子銀青光祿  
大夫光祿少卿駙馬都尉茂宗既承築館之恩來俟執  
筭之慶方榮著代俄痛終堂以十二年二月丁卯寢疾  
歿于萬年縣安仁里享年四十九遺表以車服器用上

獻王人就第中弔賜絹三百疋布一百端此又恩禮之  
有加也尚書以其年冬十月甲戌得吉卜於京師少陵  
原不祔于太傅行古之道也生極井賦沒有寵賻恩備  
終始以榮以哀申命司言之臣採其淑行用琢琬琰銘  
于墓門銘曰

鵲巢之德夫人之職輔于上谷啓是鄧國淑慎溫惠徽  
柔令色克大閨門施于燕翼萬鍾雖及九原俄即賦命  
有涯孝思罔極

衛國夫人李氏墓誌銘

前人

夫人姓李氏趙郡人前相國司空今戶部尚書燕國于  
公之室也曾祖仲恩皇藍田縣尉祖琳河南府參軍考  
復司農丞三葉名器卑而婚親族類為山東冠甲外曾  
王父裴丞相文獻公左右玄宗為時才臣外王父吏部  
郎中贈刑部尚書綜以文行著於清名舅族多賢與軒  
冕俱大中外積厚而生夫人興元元年燕公以南宮郎  
冕而親迎其後歷二千石九卿觀風貞師焯集作耀弘

大三公相印六職地征勤勞輔佐淑慎和樂鵲巢之均  
一樛木之逮下采蘋之能循法度螽斯之子孫衆多實  
備有焉晉令公侯夫人銀印青綬佩水蒼玉貞元三年  
夫人以外命婦封河內縣君十九年以元侯內子進衛  
國夫人廣大專靜尚柔含德不言而徽音自遠不耀而  
儀刑可象鍾郝之禮法為而不有姬嬴之地望有而不  
恃於六親之中薰然以仁煦然如春推心以及物各得  
其所欲故燕公琴瑟友之鐘鼓樂之克成婦順以贊家

道元和十年冬十二月甲辰寢疾薨于安仁里第享年若干不求醫禱以順性命雖知道之君子所難能焉明年春二月庚申祔先姑之塋于興平縣之某原禮也嗣子前太子左贊善大夫正祕書丞方某官季友某官某等永惟免於水火以至冠婚列在朝序率由慈廕自惟堂至于遣奠哀敬有加燕公以德輿於外族為表甥於中臺為同列嗒然之痛俾誌斯文公又命方等泣狀往行始終詳實故如其論次繫之以銘銘曰

燕公之室弘是內則衛國攸宜淑明柔克環珮瑯然蒸  
嘗吉鬻家肥族睦二十二年如賓之敬循道之性不慮  
不圖奄忽大病茂陵蒼蒼宰樹陰堂幽宅於茲兮德耀  
不忘

前京兆府咸陽縣丞權公故夫人清河張氏墓

誌銘

前人

夫人姓張氏南陽人曾祖鉉皇正議大夫恒州刺史祖  
重暉皇朝議大夫衡州刺史贈太常卿考伯禽皇銀青

光祿太夫將作少監兼通事舍人奕代以大夫二千石  
班宣教化而先公贊謁在帝左右兄憑又以衛尉少卿  
簡王傅世其官故表儀風訓家法延耀夫人承是吉祿  
生而懿美大歷十二年既筭歸于天水權公公時為馮  
翊縣尉其後薄登封贊咸陽徊翔於周秦甸圻集無此  
二字  
間皆用功次得調滿歲食貧則嘻嘻於衡華之下族屬  
和而家事理抑夫人是賴資性溫重閨門整峻每中外  
六姻有嘉會喪禮必羞心赴周旋法度女士憲焉而不

得鳴珣佩玉弘大中饋命也貞元十八年夏四月暴嬰疾癘終于京師新昌里春秋若干秋九月窆于某縣某原從吉筮也支子某等充窮杖集作杖泣捧是圓石以下可不識命從祖兄子銘之其詞曰

在漢七貂族之盛兮常山衡陽休有慶兮父兄仍代贊名命兮展彼夫人來合姓兮徽柔靜專家道正兮生也有涯斯大病兮芻靈廣柳掩泉逕兮刻此貞珉彰淑令

兮





文苑英華卷九百六十七

欽定四庫全書

文苑英華卷九百六十八 宋 李昉等 編

婦人六

王使君夫人崔氏墓誌一首

許縣丞夫人韋氏墓誌一首

何少府夫人盧氏墓誌一首

李少府夫人盧氏墓誌一首

柳贊府夫人權氏墓誌一首

王侍郎太夫人劉氏墓誌一首

裴府君夫人柳氏墓誌一首

亡妻楊氏墓誌一首

朝議大夫洋州刺史王君夫人博陵縣君崔氏

祔葬墓誌銘

權德輿

夫人姓崔氏博陵安平人皇鳳閣侍郎平章事博陵郡

玄暉

集作暉是

之曾孫禮部侍郎璩之孫侍御史賁之息女

洋州刺史瑯琊王君澄之嘉偶崔氏自漢濟北長岑代

為文宗王氏自晉睢陵即丘繼生元臣二族之茂范蔚  
宗沈休文推本言之矣重以母后中宗之際石泉博陵  
二先正有經綸代命之材推戴格天之業延耀濟美為  
祥為祉為君子為士女合姓好逌與他族不侔夫人未  
笄累失恃怙旁無兄弟泣血襄事奉二尊裳幃間闕道  
途自鍾陵抵洛邑哀敬與禮三者無違神祐純孝為宗  
姻所歎某年從父兄縱盛選御才故王君納采焉王君  
以才器政事連辟公府歷御史司直為河南紀綱掾改

陽翟令入為尚書屯田郎出刺洋州柔嘉左右叶是休

德初洋州同氣八人名居

集作位

焯於當時家婦介婦必

華宗淑詰夫人贊宗事供先祀鼓琴誦詩姿操閑

集作嫻

雅奉上以誠羣居用和外言內言不越於閫朝服祭服必成於手洋州捐館二十年而夫人歿於櫟陽之別墅

時貞元十九年秋七月某甲子蓋年五十一初洋州娶

滎陽鄭氏生子曰造而夫夫人以繼室生子三人曰迺

曰達曰邁母儀均養皆為良士造任至藍田尉迺修詞

與計偕遠邁咸以門資分佐環列哀號罔極泣問龜策  
二十年冬十月某甲子祔于洋州之舊封先是洋州猶  
子興平尉源長受夫人之理命曰吾與爾二門積德奕  
代銘表必咨時文先舅之碑吏部趙郡李公實為之先  
君之誌從翁太傅文貞公實為之且以德輿於夫人有  
通世之舊猥求論譔泣狀遺懿實而不華是用采獲以  
銘內則銘曰

安平臨圻右族蕃滋仁賢是儀好合嘻嘻乃封故地象

服斯貴諒無攸遂亦勸以義婦順彰聞母儀可尊肅肅  
閨門四男晨昏吁嗟風樹奄悶泉路魯人之祔皇辟之  
墓鏤茲淑聲永識冥冥

湖州武康縣丞許君夫人京兆韋氏墓誌銘

前人

夫人姓

集無  
姓字

韋氏京兆杜陵人楚傅漢相之後分封競

美以至周鄭襄公孝寬為宗門龜龍曾祖某某官祖某  
某官父楚器皇太子宫門郎其外族隴西李氏涼武昭



王玄盛後魏司空文穆公冲隋絳郡公禮

集作李

成之世

德輿之從母姊

集作姊

也中外華閥乃生淑詰幼失恃怙

先太君保而養之猶女子子焉既笄歸于某郡許授授  
循里喻義調常州義興尉湖州武康丞滿歲葺田廬於  
雪溪之上忘懷進取夫人贊家道以供先祀誠宗伯而  
饁莫缺許君之動靜無悔抑有助焉所從之祿甚薄不  
及偕老徙宅教子宜家佐餞閨門之禮有同嚴君才識  
所及過人遠甚雖內外之言不越於閫而人事物理皆

能折中焉凡結褵二十五歲而稱未亡人又十五歲而  
不舉火時元和二年正月某甲子春秋五十九其子士  
儉謹敏屬詩書未與計偕者不忍違養故也泣訪蒼菴  
得十月某甲子吉權祔于皇辟之封惟夫人有姿操徽  
範不得被魚軒翟茀之飾獨振內則而傳母儀孝子家  
婦居喪率禮無違而哀有餘姻黨稱焉嗚呼孩提相長  
實均同氣今視士儉猶吾之出焉士儉緘哀詞治集作理  
命請刻圓石屑涕直書寄茲沈痛銘曰

士之積集作

贊

行未必豐祿有美夫人不登象服從夫也

有德有儀訓子也恩斯勤斯勸以義兮道之慈養未及

兮命奪之服在總兮心若碁刻琬琰兮涕鉛洟

集作流涕洟

洛陽尉何君夫人范陽盧氏墓誌銘

前人

夫人姓盧氏范陽人曾祖仁皇相州錄事參軍祖不勤  
皇壽州霍山縣丞父隨皇太原府祁縣丞三世沖悔皆  
不至大官故夫人鍾其粹美生為嬪則以既笄之年歸

廬江何君官至洛陽縣尉夫人有輔贊之美柔明之行  
誠順孝慈以內則為師故得六姻之和而禮無違者乾  
元中何君早世夫人訓字諸孤動必以方長子士程為  
蘇州嘉興尉幼子士又儒行修明或史集作或文克荷

先構有女二人長適河東裴氏次適博陵崔氏皆奉母  
之訓宜其家室非尊之教之之至其及此歟以興元元  
年三月日考終命于嘉興年六十一士程士又等謀及  
龜筮以某月日權厝潤州未克返塋故也夫人即考功

員外郎士幹之世母也予嘗按考功遊獲聞行實故不敢辭二孤之請刻石以銘之辭曰

婉彼夫人淑明柔克周旋動用率由四德不享蕃祉不躋壽域二連之哀哀何有極

潤州丹陽縣尉李公夫人范陽盧氏墓誌銘

前人

夫人姓盧氏范陽人北齊黃門侍郎思道之五代孫也  
曾祖悌皇高道不仕祖綱皇城門郎父侑皇太原縣尉

雖仕皆數命以至淪謝而皆飾行懿文有當時之譽明德奕世誕生夫人既笄嬪于李公李公為烏程丹陽二縣尉夫人居貧守約動必由禮謙敬以睦中外吉蠲以奉蒸嘗甘糲梁服澣濯中饋式敘和樂嘻嘻有嘉聞而無攸遂一紀于茲矣嘗聞善餘慶謙受益豈前志之謬歟將有必定之數歟既而奄忽遘疾不翌日而大漸以大歷十一年月日歿于丹陽之私第享年若干某月日權厝于縣之五里原從宜也生子數人早歲夭落今之

存者女子三人長者生纔六霜其次差以幼矣雖禮所未及而號不絕聲呱呱然行路為之憫戚公以為鼓盆傷神兩不中節而鍾情之哀可勝既乎且虞陵谷之變也乃命權氏甥德輿為之銘曰

去夏屋之渠渠兮即孤丘之峩峩往不可復兮沈痛如何薤露蒿里兮古有哀歌

睦州桐廬丞柳君故夫人天水權氏墓誌銘

前 人

夫人姓權氏天水洛陽人十二代祖翼前秦僕射安丘敬公其後至周隋間有佐命功代荷茅土者三葉以至

曾王父滑州匡城縣令崇本王父益州成都縣尉無待

集作侍

烈考許州臨潁縣令伋成都以太學進士擢第臨

潁判入甲科皆以文學著名粹行純氣有以鍾下夫人生而敏異姿性端明懿行全識發於天授而和敬以事長慈惠以祔下窈窕德象動成儀度機鑑精辨而深自晦默伯仲甥姪等每有疑理滯義多所咨訪夫人不得



已而後言言必中倫誠順之道自中形外外內族姻之

中瞻其儀形剛戾者順不仁者化以貞元二年三

集作正

月歸河東柳君君為睦州桐廬丞方謂有魚軒象服之  
慶偕老宜家之壽不幸遘疾癘以其年七月日終于桐  
廬之官舍享年若干自設悅至于屬纊九族無間言終  
食無違德宜乎綏福履而介眉壽備祭服以參靈館而  
迫阨終身莫申其道六姻安仰為善者惑豈善慶昭報  
之言妄作耶將壽夭淹速之度固有所定耶柳君奉其

喪以某月日權厝于丹陽縣某原甯氏伯姊之塋次從  
遺旨也從父兄子德與一二孱從銜茹水痛書實錄于  
墓石銘曰

采繁采蘋列于詩人恭惟淑明與古為鄰嘉玉粹溫萍  
英氛氲集作芬蓋淒風夜壑銷鑠堙淪命不可問兮從古云

云追琢淑德兮用識幽墳

戶部侍郎王公集作君先太夫人河間劉氏墓誌

銘

柳宗元

夫人劉姓

集作  
姓劉

其先漢河間王王有明德世紹顯懿至

于唐有文昭者為綿州刺史號為良牧其嗣慎言為仙

居令光州長史克荷于前人光州

一有  
君字

夫人之父也夫

人既筭五年從于北海王府君諱某府君舉明經授任

城尉佐金吾衛兵曹修經術以求聖人之道通古今以

推一王之典會世多難不克知志卒以隱終夫人生二

子長曰彛倫舉五經早夭少曰叔文堅明直亮有文武

之用貞元中待詔禁中以道合于儲后凡十有八載獻

可替否有匡弼調護之勤先帝棄萬姓嗣皇承大位公

居禁中訏謨定命有扶翼經緯之績由蘇州司功參軍

為起居舍人翰林學士將明出納有彌綸變通

集作通變

勞副經邦阜財之職加戶部侍郎賜紫金魚袋重輕開

閉有和鈞肅給之効內贊謨畫不廢其位凡執事十四

旬有六日利安之道將施于人而夫人終于堂蓋貞元

集有之字二十一年六月二十日也知道之士為蒼生惜焉

天子使中謁者臨問其家賻以布帛嗚呼夫人之在女

氏也貞順以自處孝謹以有奉其在夫族也祇敬以承  
上嚴肅以涖下事良人四十有九年而勤勞不懈生戶  
部五十有三年而教戒無闕年七十有九而戶部之道

聞于天下為大僚垂紫綬以就奉養公卿侯王咸集

集作

造于門既壽而昌人

集作世

用羨慕然而天子有詔俾定

封邑有司稽於論次終以不及時有痛焉是年八月某  
日祔于兵曹府君之墓銘曰

夫人之德溫柔敬直承于陰教式是嬪則克生良子用

揚懿美有文有武弘我化理天子是毗邦人是望金章

集作  
若若

紫綬榮于高堂惟昔孟氏號為母師在漢稱賢有

戒不疑懿懿

一作  
哉

夫人維其似之山北之里

集作  
中

神禾

之原問于靈龜閱此顯魂勒石垂休永永萬年

亡姊前京兆府參軍裴君夫人墓誌

前人

柳氏至于唐其著者中書令諱奭中書之弟之子曰徐  
州府君諱子夏實有孝德世其家業清池府君諱從裕

繼之以茂實德清府君諱察躬承之以善政以至于侍

御史府君諱鎮用貞信勁正達于邦家克生賢女以女

集作配于裴氏裴氏至于唐其著者禮部尚書諱行儉禮

部之子曰侍中諱光庭嗣用忠肅書于國史祠部府君

諱貞業之以真直以至于金吾府君諱敬用純懿端亮

聞於天下實生良子以配夫人馬集無馬字嗚呼夫人與仁

孝偕生以禮順偕長始於家純如也終於夫族穆如也

其為子道也孝以和恭以惠取與承順心稱所欲先公

集作君

與慈尊恩遇尤厚故夫人侍側無威怒之教焉天

禍弊族夙遭大故我諸孤奉太夫人之養不敢圖死至

于復常夫人三歲無湯沐無鹽酪頓踴叫號哀徹天地

外除髮不勝笄體不勝帶太夫人泣而命之內集作固猶

不食朝夕諭誨僅而濟焉其為妻道也貞順之宜恒服

於身體疑忌之慮不萌於心術忿懣之色不兆於容貌

同焉而合於禮婉焉而得其正其為婦道也惟聽順謹

敬睦姻任

集作仁

恤之行甚備常以不幸不及舅姑之養



用為大恨是故相春秋之事眠滌濯羞簋簋勞以待旦

每怵惕之感至焉則又移其孝于兄公安公

集作裴氏之門

而

以睦于冢婦介婦必敬必親上以不失其赤子之心姻

族歸厚率由是也嗚呼我之大譴歟裴氏子之大不幸

歟以夫人之德行宜貴壽宜康寧然而年始三十不克

至于壽良人官為參軍不及偕其貴骨髓之疾實鍾于

身以貞元十六年三月十三日甲子終于光德里第痛

矣夫始夫人之疾也夫人之族視之如已宗其家老長

妾臧獲之微皆以其私奔謁於道路禱鬼神問卜筮者相及也既病太夫人在側尚慮積憂傷于尊懷猶持形立氣給以少間故二稚未亂良人在遠不及有緒言遺念以傳于一作於後則我呼天之痛宜有加焉嗚呼天胡

厚是懿德而闕其報施獨何心

集作

歟余一

集無此字非

不

知天之忍也既逾月良人至自洛師望門而哭曰無以立吾家成吾身矣凡生三子幼曰崔七先夫人八月而殞魂氣無不之也次曰崔六後夫人五旬而夭因耐焉

今其存者曰崔五幸無恙託于乳媪似虞水火哀哉其  
年八月十八日甲子安厝于長安縣之神禾原從于先  
塋祔于皇姑宜也母弟號哭而為之志毒痛憑塞略不  
能具敢告無愧辭無溢美庶用正直克安神心嗚呼至  
親集作哀無文至敬不飾故無其辭

亡妻弘農楊氏墓誌

前人

亡妻弘農楊氏諱某高祖皇司勳郎中諱元政司勳生  
殿中侍御史諱志玄殿中生醴泉縣尉諱成名醴泉生

今禮部郎中凝世

集作代

濟仁孝號為德門郎中娶于隴

西李氏生夫人夫人生三年而皇妣即世外王父兼居

方伯連帥之任歷刺南部夫人自幼及笄依于外族所

以撫愛視遇者殆過厚焉夫人小心敬順居寵益畏終

始無驕盈之色親黨難之五歲屬先妣之忌飯僧於仁

祠就問其故保傅以告遂號泣不食每及是日必遑遑

涕慕抱終身之戚焉及許嫁于我柔日既卜乃歸于柳

氏恭惟先府君重崇友道於郎中最深髻椎好言始於善

謔雖間在他國終無異辭凡十有三歲而二姓克合奉

初言也夫人既歸事太夫人備敬養之道敦睦夫黨致

肅雍之美主中饋佐蒸嘗怵惕之儀集作義表于宗門太

夫人嘗曰自吾得新婦增一孝女况又通家愛之如已

子崔氏裴氏二姊視之如兄弟故二族之好異于他門

然以素被足疾不良能集作能行未三歲孕而不育厥疾

增甚明年以謁醫救藥之便來歸女氏永寧里之私第

八月一日甲子至于大病集作疾年始二十有三嗚呼痛

哉以夫人之柔順淑茂宜延于上壽端明惠和宜齒于  
貴位生知孝愛之本宜承于餘慶是三者皆虛其應天  
可問乎哀門多疊上天無佑故自辛未逮于茲歲累服  
齊斬繼纏哀酷其間冠衣純采朞月者三而已矣無乃  
以是累夫人之壽歟悼慟之懷曷月而已集有哀夫遂  
已矣  
以九月五日庚午克葬于萬年縣栖鳳原從先塋禮也  
是歲唐貞元十五年龍集己卯為之誌云

坤德柔順婦道肅雍惟若人兮婉婉淑姿鏘翔令容委

窮塵兮佳城鬱鬱閉白日兮之死同穴歸此室兮



文苑英華卷九百六十八



欽定四庫全書

集部

文苑英華卷九百

六十九至  
七十一

詳校官庶吉士<sub>臣</sub>龍廷槐

助教<sub>臣</sub>常循覆勘

總校官進士<sub>臣</sub>朱鈐

校對官中書<sub>臣</sub>高中

謄錄監生<sub>臣</sub>丁緯

欽定四庫全書

文苑英華卷九百六十九

宋

李昉等

編

婦人七

河東縣太君盧氏墓誌一首

趙郡夫人李氏墓誌一首

裴海州夫人李氏墓誌一首

賢妃韋氏墓誌一首

元長史夫人鄭氏墓誌一首

岐陽公主墓誌一首

先太夫人河東縣太君盧氏歸祔誌

柳宗元

先夫人姓盧氏諱某世家涿郡壽止六十有八元和元年歲次丙戌五月十五日棄代于永州零陵佛寺明年某月日安祔于京兆萬年栖鳳原先侍御史府君之墓其孤有罪銜哀待刑不得歸奉喪事以盡其志姪洎夫人兄之子弘禮承事焉嗚呼天乎太夫人有子不令而

陷于大僂徙播癘土醫巫藥膳之不具以速天禍非天

降之酷將不幸而有惡子以及是也今又

集作又令

無適主

以葬天地有窮此冤無窮既舉葬約猶以不孝

集作肖之

辭擬述先德且志其酷焉嘗逮事伯舅聞其稱太夫人

之行以教曰汝宜知之七歲通毛詩及劉氏列女傳斟

酌而行不墜其有

集作旨

汝宗大家也既事舅姑周睦姻

族柳氏之孝仁益聞歲惡少食不自足而飽孤幼是良

難也又嘗侍先君有聞如舅氏之謂且曰吾所讀舊史

及諸子書夫人聞而盡知之無遺者某始四歲居京城  
西田廬中先君在吳家無書太夫人教古賦十四首皆

集注  
作日

諷誦之以詩禮圖史及剪刺緯結

集作剪  
製縷結

授諸女

及長皆為名婦先君之仕也伯母叔母姑姊妹子姪雖  
遠在數千里之外必奉迎以來太夫人之承之也尊已  
者敬之如臣事君下已者慈之如母畜子敵已者友之  
如兄弟無不得志者也諸姑之有歸必廢寢食禮既備  
常有勞疾先君將改葬王父母太夫人泣以蒞事既具

而大故及焉不得成禮既得命於朝祇奉教曰汝忘大  
事乎吾冢婦也今也宜老而唯是則不敢暇抑將任焉  
苟有日吾其行也及命為邵州又喜曰吾願得矣竟不  
至官而及於罪是歲之初天子加恩羣臣以宗元任御  
史尚書郎封太夫人河東縣太君八月會冊太上皇后  
于興慶宮禮無違者既至永州又奉教曰汝唯不恭憲  
度既獲戾矣今將大儆于后以蓋前惡敬懼而已苟能  
若是吾何恨哉明者不悼往事吾未嘗有戚戚也而卒

以無孝道不能有報焉喪主子宗婦七歲而不果娶窳

窮徼人多疾殃灾

集作炎

暑焯蒸其下卑濕非所以養也

診視無所問藥石無所求禱祠無所實蒼黃叫呼遂邁

大罰天乎神乎其忍是乎而獨生者誰也為禍為逆又

頑狠而不得死逾月逾時以至於

集于字作於

靈車遠去而

身獨止玄堂暫開而目不見孤囚窮繫魄逝心懷

一作壞

蒼天蒼天有如斯耶有如是耶而猶言猶食者何如人

耶已矣已矣窮天下之聲無以舒其哀矣盡天下之辭

無以傳其酷矣刻之堅石措之幽陰終天而止矣

伯祖妣趙郡李夫人墓誌銘 前人

夫人姓李氏辯族姓者曰趙郡贊皇之東祖祖某為某  
官父沖為單父尉夫人生於良族嶷然殊異及笄德充  
於容行踐於言高朗而不傷其柔嚴恪而不害其和特  
善女紅剪製之事又能為雅琴奏聲操縵之具婦道既  
備宜為君子之配偶焉我伯祖臨邛令府君諱某受夫  
人於李氏之廟而歸于正室臨邛府君之先曰我曾王



父清池府君諱從裕清池之先曰徐州府君諱子夏又  
其先曰常侍府君諱楷常侍之兄曰中書令諱奭自中  
書以集作已上為宰相四世噫我伯祖以宗胄碩大而濟  
其德厚夫人以族屬清顯而修其禮範合二姓以承先  
祖為士者榮之故佐奉養承祭祀婦德用光家道甚宜  
無何伯祖終于臨邛而窆焉夫人從子而返于淮潁嗚  
呼我先府君每得仕未嘗不奉迎供養必誠必親男既  
立必使之有祿仕女必使之有家將嫁已子必先擇良

士可以配諸姑者定然後議焉仲父殿中侍御史府君  
由是志也夫人生男一人諱某不幸終於宣州旌德尉  
女三人皆得良婿隴西李伯和為揚子丞病痺癢痼而  
沒太原王紆今為右補闕潁川陳長為校書郎渭南尉  
知名貞元十六年王氏始定省扶持自揚州至于京師  
道路遇疾遂館于陳氏以諸婿之良諸女之養無不得  
意焉享年八十一是歲六月二十九日終于平康里自  
小斂至于大斂比及葬則二婿實參主之有孫二人長

曰曹郎奉之以線而正于位八月二十四日葬於萬年  
縣之少陵原實栖鳳原介于我先府君仲父二兆之間  
神心之所安也嗚呼嗣子早夭臨邛萬里以歲之不易  
未克合祔哀孰甚焉諸姑命柳州本作合宗元崇本無此二字以為  
斯志以從人之道內夫家外父母且又葬于我志于我  
故叙柳氏為備銘曰

藹其芳壽且康大梁鶉火沈幽光夙淪夫子嗣又喪平聲

蒲集作精惟不復岷之陽兆靈趾栖鳳里艮之山兑之水

靈之車當返此子孫百代承靈祉誰之言者青烏子

海州刺史裴君夫人李氏墓誌銘

白居易

夫人贊皇縣君李氏趙郡高邑人也六代祖素立安南  
都護五代祖休烈趙州刺史高祖諱志遠天官侍郎曾  
祖諱畬國子司業祖諱承工部尚書湖南觀察使考諱  
藩門下侍郎同平章事贈戶部尚書夫人諱娥相國長  
女也適河東裴君克諒諒今為海州刺史一子曰鐵左

衛騎曹參軍一女適隴西李遂遂為壽州刺史參軍由  
此而上得於國史家諜云夫人為相門之女邦君之妻  
不以華貴驕人能用恭儉克已撫下若子敬夫如賓衣  
食之餘旁給五服親族之饑寒者又有餘散活集作沽先

代僕使之老病者又有餘分施佛寺僧徒之不足者澣  
衣菲食服勤禮法禮法之外諷釋典持直言棲心空門  
等觀生死故治家之日欣然自適捐館之夕恬然如歸  
寶歷三年三月一日疾終于海州官第其歲十一月十

四日歸祔于某所先塋享年五十有四夫人之從裴君也歷官九任凡三十一年族睦家肥輔佐之力也由此而上得於裴君狀云夫源遠者流長根深者枝茂噫李氏之世祿也德有所從來矧相國端方廉雅孝友忠肅自從事彭城登庸宰府不以夷險而遷其道宜乎居極位享賢名也夫人敬恭勤儉柔順慈惠自女於室歸於家不以初終而怠其行宜乎啟封邑光德門也裴君脩文達政潔已愛人自佐邑從軍連收二郡不以寒暑而

易其心宜乎荷百祿號良二千石也嗚呼非此父不生

其

集作此

女非是夫不稱是妻斯所謂類以相從合而具

美者也論譔表誌其可闕乎銘曰

高邑之祥降於李氏相門之慶鍾于女子女子有行歸

老

集作我

裴君君亦良士宜賢夫人夫人雖歿風躅具存

勒銘泉戶作範閨門

賢妃京兆韋氏墓誌銘

前人

德宗聖文武皇帝元妃韋氏諱某字某京兆人也曾

祖某某官祖某某官父某某官妃即某官府君第某女也母曰永穆公主元和四年四月某日妃薨于某所以其年四月某日詔葬于萬年縣上好里洪平原上悼焉

哀榮之禮有以加等

集作馬

嗚呼惟韋氏代德宦業族系

昏戚有國史家諫存焉今奉詔但書地及時與妃之所

以曰賢之義而已貞元中沙麓

集作鹿

上仙長秋虛位凡

六御

集作六  
十未詳

九御之政多聽於妃妃先以采蘋之職

集作

成奉於上故能助霜露之感薦于九廟次以柰木之德



逮于下故能分雲雨之澤洽于六宮其餘坐論婦道行

贊內理服用心中度故組紉有常訓言動心中節故環

佩有常聲二十七集作七年禮無違者冊命曰賢不亦

宜哉永貞中集作貞元中非號奉宮車誓留園寢麻衣告朔蓬

首致哀執匪懈之心侍集作視奠於靈座脩無上之道薦

福于崇陵殆茲歿身不哀其志故塋之日掌文之臣白

居易得以無愧之詞誌于墓而銘曰

京兆阡兮洪平原兮歲己丑兮日丁酉兮惟土田兮與

時日龜兮著兮偕言吉我我新墳兮葬者誰德宗皇帝  
韋賢妃

河南元府君夫人鄭氏墓誌銘 前人

有唐元和元年九月十六日故朝

集本文粹  
並作中

散大夫尚

書比部郎中舒王府長史河南元府君諱寬夫人榮陽

縣太君榮陽

二本無  
此二字

鄭氏年六十寢疾歿于萬年縣靖

安里私第越明年二月十五日權祔于咸陽縣奉賢里

洪瀆源從先姑之塋也夫人曾祖諱遠思官至鄭州刺

史贈太常卿王父諱瞻朝散大夫易州司馬父諱濟睦  
州刺史夫人即睦州次女也其出范陽盧氏外祖諱平

子京兆府涇陽縣令夫人有四子二女長曰沂集作蔡沂

州汝陽縣尉次曰柎京兆府萬年縣尉次曰積同州韓

蜀本作韋非城縣尉次曰禎河南府河南縣尉長女適吳郡

陸翰為監察御史次為比丘尼曰二本真一作名真一二女不幸

皆先夫人歿府君之為比部也夫人始封滎陽縣君從

夫之二本無之字下同貴也禎之為拾遺也夫人進封滎陽縣

太君從子之貴也天下有五甲姓滎陽鄭氏居其一鄭

之勲德官爵有國史在鄭之原派婚姻

二本作源  
流婚媾

有家

諜在比部府君世祿官政文行有故京兆尹鄭雲達之

誌在今所敘者但書夫人之事而已初夫人為女時事

父母以孝聞友兄弟睦弟妹以悌聞發自生知不因師

訓其淑性有如此者夫人為婦時元氏世食貧然以豐

潔家祠

二本作  
祀

傳為治訓

二字二本  
貽燕之訓

夫人每及時祭

則終夜不寢煎和滌濯必躬親之雖隆暑溼

蜀作  
祈

寒之

時而服勤親饋面無勞色其誠敬有如此者元氏鄭氏

四字集  
作元鄭

皆大族合而為親

二本無  
此二字

姻表滋盛

二本  
作多

凡中

外吉凶之禮有疑議者皆質於夫人夫人從而酌之靡

不中禮其明達有如此者夫人為母時府君既沒積與

稹方髻亂家貧無師以受業夫人親執詩書誨而不倦

四五年間二子皆以通經入仕積即

二本  
作既

第判入等授

祕書省校書郎屬今天子始踐祚策三科以拔天下賢

俊中第者凡十八人而稹冠其首焉由校書郎拜右

二本

左拾遺不數月讜言直聲動于朝廷以是出為河南尉

長女既適陸氏陸氏有舅姑多姻族於是以順奉上以  
惠逮下二紀而歿婦道不衰內外六姻仰為儀範非夫

人恂恂孜孜善誘所至則曷能使子達於邦女宜其家

哉其教誨有如此者既而諸子雖逮事

二本作  
送任 祿秩  
集作

稍甚薄每至日

二本  
作月

給食時給衣皆始自孤弱者次及

疎賤者由是衣無常主厨無異膳親者悅疎者來故傭  
保乳母之類有凍餒垂白不忍去元氏之門者而况臧

獲輩乎其仁愛有如此者自夫人母其家殆二十五年

專用訓誡除去鞭朴常以正顏色訓諸女諸

集無此字

婦其

心兢兢戰戰

四字二本作戰兢

如履于冰常以正辭氣誡諸子

諸

集無此字

孫諸子諸

集無此字

孫其心愧恥若撻于市由是納

下於少過致家於太和婢僕終歲不聞忿爭童孺成人

不識檟楚閨門之內熙熙然如古時人也其慈訓有如

此者噫昔漆室緹縈之徒烈女也及為婦則無聞伯宗

梁鴻之妻哲婦也及為母則無聞文伯孟氏之親賢母

也為女為婦時亦無聞今夫人女美如此婦德又如此  
母儀又如此三者具美可以冠古今矣嗚呼惟夫人之  
道移於他則何用不臧乎若引而伸之可以肥一國焉  
則闕雎鵲巢之化斯不遠矣若推而廣之可以肥天下  
焉則姜源文母之道

集作風

斯不遠矣豈止於訓四子以

聖善化一家於仁厚者哉居易不佞辱以

集本文粹作與

夫人

之幼子稹為執友故聆夫人之美最熟稹泣血孺慕哀  
慟他人託為撰述書於墓石斯古孝子顯父母之志也



嗚呼斯文之作豈直為

二本

作若是而已哉亦使

文粹

作欲百代

之下聞夫人之風過

文粹

作觀夫人之墓者使悍妻和器母

慈不遜之女順云爾銘曰

元和歲丁亥春咸陽道渭水濱云誰之墓鄭夫人

岐陽公主墓誌銘

杜牧

憲宗皇帝即位八年出嫡女冊封岐陽公主下嫁于今

工部尚書判度支杜公悰始憲宗時宰相權德輿有婿

獨孤郁為翰林學士帝愛其材因命宰相曰我有

集無此字



賓侍酒食金帛奏內樂降嬪御送行賜第堂有四廡績  
椽藻櫨丹白其壁派龍首水為沼主外族因請願以尚  
父汾陽王大通里亭沼為主別館當其時隆貴顯榮莫  
與為比主實憲宗皇帝嫡女穆宗皇帝母妹敬宗皇帝  
今天子親姑尚父汾陽王子儀外曾孫太皇太后始以  
正妃事憲宗以太后太皇太后愛一作受養三朝凡四十  
年德厚慈恕化充六宮主以一女之愛降于杜氏逮事  
舅姑杜氏大族其他宜為婦禮者不翅數十人主卑委

怡順奉上撫下終日惕惕屏息拜起一用

集作同

家人禮

度二十餘年人未嘗以絲髮間指為貴驕始與尚書合謀曰上所賜奴婢卒不肯窮屈奏請納之上嘉歎許可因錫其直悉自市寒賤可制指者自是閉門落然不聞人聲尚書讀書考今古治亂主職婦事承奉夫族時歲獻饋吉凶賻助必親自經手池塞館侈

直爾反

闕毬場種

樹不數十年縉紳間雜然稱尚書為賢主婦尚書旋出

為澧州刺史主後為尚書行郡縣聞主且至殺牛羊犬

為數百人供具主從

從字集作至後

不二十人六七婢乘驢關

葺約所至不得肉食驛吏立門外舛餘食以返不數日

集有問字聞于京師衆譟說以為異事尚書在澧州三年主

始入後出中間不識刺史廳屏尚書治澧州考理行為

天下第一後為大司農

集作徒非

京兆尹鳳翔節度使朝廷

屈指比數以為凡有中外重難非尚書不可主賢益彰

雖至宮闈貴號亦加尊敬姑涼國太夫人寢疾比喪及

葬主奉養蚤夜不解帶親自嘗藥粥飯

集作飲

不經心手

一不以進既而哭泣哀號感動他人尚書後為忠武軍

節度使所治許州創為節度府五十年南迫於蔡屋室

庠陋主居無正堂處東支屋恬然六年許軍強雄且撐

劇寇自始多用武臣治各出已部曲家人疵政代爾

弛法習為循常有司用此集無此字比邊障遠地擲置不問

民亦甘心尚書再治之老民相率兩走闕下遮丞相馬

叩頭乞留請樹生祠及詔追去攀緣攜扶哭於道路尚

書治外主治內尚書所至必稱崩士力切為名公偉人

主實有內助焉穆宗以太

集無太字

皇太后故

集作敬

主尤為

親信俯首益卑車服侍使愈自貶抑覲謁溫清外口不

言他事訖穆宗朝人不以親貴稱當貞元時德宗行姑

息之政王武俊王士真張孝忠子聯為國壻憲宗初寵

于頔來朝以其子配以長女皆挾恩佩勢聚少俠狗馬

為事日遮

集無此字

截馳道縱擊平人豪取民物官不敢問

戚里相尚不以為窮

四字集作不以為窮弱

自主降于尚書壁絕

外之初怒中笑後皆敬畏累聖亦指示主德以誠警之

至于今日

集作以

主尚書顯重於中外戚里亦皆自檢斂

隨長短為善於是舊俗滅不復有尚書自許奉急追詔

主有疾小愈強不肯留曰去朝興敬

集作慶是

宮縱死於道

吾無恨以開成二年十一月某日薨於汝州長橋驛亭

集作享

年若干上廢朝三日某年十二月某日主喪至京

師比及葬兩宮弔問相繼於道開成三年某月日上御

正殿詔丞相嗣復攝中書令正衙宣冊謚曰莊淑大長

公主某年月日祔葬于萬年縣洪源鄉少陵原尚書先



登禮也生男二人長曰輔九年十歲次曰楊十始二歲  
女二人某於尚書為從父弟得以實銘銘曰

章武皇帝唐中興主刑于正祀教及嫡女婉婉帝子下  
嫁時賢影逐響容隨順纏綿杜氏大族枝蔓蟬聯上有

舅姑高堂儼然螭綬龜章玉佩金軒養色悅意侍後承

前人不我貴敬不集作我敬我虔始終盡禮大小周旋餘二

十年誰興間言貴不召驕富不期侈具集作是此四者倏

相首尾自古名士或泥於此孰謂帝子超脫擺棄婦職

是勤夫言是指池荒館墜屏外不履淑德柔風天下傾  
耳宜乎壽考婦女婚子不錫全祉孰提神紀幽石有誌  
顯筆有史流于千祀

文苑英華卷九百六十九